

ЗОРИМГОЙ ЮН СУ

(ХИТАД ОНТОХОН)

Нэгэ сагта Юн Су гэжэ нэрэтэй бишыхан хүбүүн байһан юм. Эсэгэнь наһа баража, ганса хүбүүн эхэтээе үлэһэн байгаа. Үгытэй туладаа гэр соонь хооһон. Заримдаа адха барайгаршье олдхогүй болодог байһан юм

Юн Су нураха болобо, тэрээндэ саарһан, тушь, зураха биирэшье үгы байба. Теэд Юн Су „нурахаб" гэжэ эрид шийдээ һэн

Үглөөгүүр баян хүршындоо ошоод, хэлэбэ

— Таниие гэрэй барлагта хэрэгтэй бэдэрнэ гэжэ дуулааб. Намаие абыт! Наһамни бага, тэрэ зүб, теэд би ежэ юумэ гуйнагүйб: танай хүбүүд яажа нуралсанаб гэжэ хаа-яа харахыем зүбшөөгты, тиигэбэл болоо

Баян хэгшэбэ: түлөөһэгүй барлаг ерээ!

Тиигээд зүбшөөбэ

Үглөөһөө үдэшэ болотор Юн Су баянай гэртэ хүдэлнэ. Хамагай муухай ба хүндэ хүдэлмэри тэрээндэ орхидог байгаа. Тиигэбэшье Юн Су заримдаа эзэнэй хүбүүдэй уншадаг номһоо хаа-яа харалсадаг байба. Зарим үедэ бүхэли урок шагнаха арга олдодог һэн: багшын ерэхэдэ, Юн Су буланда хоргодоод, урогыень шагнадаг һэн ха

Жэл болоод байхада, өөрөө үгэнүүдые танидаг болоо. Теэд бэшэжэ шадахагүй байба, энэнь гэмшэлтэй. Юун дээрэ бэшэхэб даа. Юн Су бодолгодо хатана: яаха ёһотойб? Тиигээд ханажархиба

Юн Су эхэтээе далайн эгээ эрье дээрэ бишыхан гэр соо нуудаг байгаа. Долгинууд үдэр бүхэндэ далайн элһэ жэгдэлнэ. Тиихэдэ Юн Су ута модо баряад, далайн эрьедэ ерэбэ. Үтэрхэн элһэн дээрэ үгэ зурамсаарнь, долгин мухарижа ерээд, угаажархина. Дахяад зурана, дахин ондоо долгин хуу угаана. Тиигэжэ биирэ ба саарһагүйгөөр хизааргүй бэшэхэ аргатай болоо

Иигээд байхада ганса ном дутана

Нэгэтэ Юн Су баян эзэндээ ошоод, хэлэбэ

— Би танайда түлөөһэгүйгөөр хүдэлнэ гээшэб. Мүнөө би түлөөнэ гуйхаяа ханааб. Хэрбээ номуудһаатнай үзэлсэхьем зүбшөөхэ хаатнай, би танайда үшөө нэгэ жэл хүдэлхэ байнаб

Эзэндэ тиимэ тунатай барлагаа алдахань харамтай байжа, зүбшөөгөө хэн ха. Иигээд байхада Юн Су номтой болобо

Үбэл дүтэлбэ. Үдэрнүүд богони болобо. Юн Су харанхы болотор хүдэлдэг болоо. Үдэр соо үрдихэ аргагүй. Юн Су тон үгытэй байһан тула дэнгэйшье тоһо худалдажа абаха хабагүй хэн ха. Тиигэбэшье зориһоноо табинагүй. Нарын гэрэлтэй байхада, нарын гэрэлдэ уншадаг ба бэшэдэг байба. Нарын харанхыда балшаруунууды түүгээд, хулһанда няана. Амиды балшаруунуудай хүлэмхи гэрэлдэ зоримгой Юн Су хүнндөө уншадаг хэн ха

Олон жэл үнгэрбэ. Юн Су ханаашаяа абаа — тэрэ агууехэ эрдэмтэн болоо хэн гэхэ. Үгытэй бишыхан Юн Су тиимэ зоримгой байгаа, тэрээниень мүнөө хүрэтэр хүнүүд ханан хэлсэдэг юм.